

8 декабря 2013 года. Неделя 24 по Пятидесятнице. Глас 7.
Отдание праздника Введения (Входа) во храм Пресвятой Богородицы.
Священномученика Климента, папы Римского.

ВСЕНОЩНОЕ БДЕНИЕ. КАНОН:

ПЕСНЬ 1:

КАНОН ВОСКРЕСНЫЙ, ГЛАС 7:

Ирмос: Манием Твоим/ на земный образ преложи́ся/ прежде удобообразли-
ваемое/ водное естество, Господи./ Темже немóкренно пеше-
ществовав Израиль,// поёт Тебе песнь победную.

Припев: Слава, Господи, святому Воскресению Твоему.

Тропарь: Осуди́ся смертное мучительство древом,/ неправедною смертию осуж-
дѣну Ти, Господи:/ отню́дуже князь тьмы Тебе не одолев,// праведно из-
гна́н бысть.

Припев: Слава, Господи, святому Воскресению Твоему.

Тропарь: Ад Тебе прибли́жися,/ и зубы не возмо́г стёрти тело Твое,/ челюстми́
сокруши́ся./ Отню́дуже Спа́се, болѣзни разру́ш смертныя,// воскресл еси́
триднѣвен.

Припев: Пресвятая Богородице, спаси нас.

Богородичен: Разреши́шася болѣзни праматере Ёвы:/ болѣзни бо избежавше, неиску-
сомужно родила́ еси́.// Отню́дуже я́ве Богородицу, Пречистая, веду́ще Тя,
вси сла́вим.

КАНОН БОГОРОДИЦЫ ВОСКРЕСНЫЙ, ГЛАС 7:

Припев: Пресвятая Богородице, спаси нас.

Тропарь: Бѣздну рожда́шая благоутрѣбиа, Дево,/ ду́шу мою́ озари́ светонóсным
Твоим сия́нием,// я́ко да досто́йно воспую́ твои́х чудѣс бѣздну.

Припев: Пресвятая Богородице, спаси нас.

Тропарь: Стрелю́ грехóвною уязвлены́ нас Сло́во ви́дев,/ я́ко Благоде́тель
ущѣдри:/ отню́дуже несказáнно соедини́ся, Всечистая, плóтию,// иже из
Тебе́ Пребоже́ственный.

КАНОН ВВЕДЕНИЯ БОГОРОДИЦЫ ВО ХРАМ, ГЛАС 1:

Припев: Пресвятая Богородице, спаси нас.

Тропарь: Стеце́мся днесь, Богородицу́ почита́юще пѣсньми,/ и торже́ствуим ду-
хóвный пра́здник:// в храм бо Бо́гу дар прино́сится.

Припев: Пресвятая Богородице, спаси нас.

Тропарь: Песньми да воспойм Богородицы славно предшествие:/ к храму бо днешь, яко храм Божий, // принесится пророчески дар многоценный.

Припев: Пресвятая Троице, Боже наш, слава Тебе.

Троичен: Троице Единосущная, / Отче, и Слове, и Душе Святый, / Ты верно славим, яко Творца всех, / и Тебе вопием благочестно: // спаси ны, Боже.

Припев: Пресвятая Богородице, спаси нас.

Богородичен: От багра кровей Твоих, червленницею, Пречистая, одеваясь, // прошед, обновй Царь и Бог род весь человеческий благоутробием Своим.

КАНОН СВЯЩЕННОМУЧЕНИКА КЛИМЕНТА, ГЛАС 8:

Припев: Священномучениче Клименте, моли Бога о нас.

Тропарь: От Петра Божественнаго научився, апостолов верховнаго, / и от него навик Божественное знание, отче, // идольскую лествь обличил еси.

Припев: Священномучениче Клименте, моли Бога о нас.

Тропарь: Лозу Богонасаждену на земли, / плоды добродетельных учений всеблагочестивых Христос ты предлагает, // истинно сущий цветущ виноград.

Слава Отцу, и Сыну, и Святому Духу.

Тропарь: Во вся концы протечё / воистинну Божественных повелений твоё вещание, Клименте мудре, // и вся просвети Троицу Богословити во единстве Божества.

И ныне и присно и во веки веков, аминь.

Богородичен: Се проречения пророческая о Тебе прияша конец воистинну, / Слово бо без семени зачавши, Богородительнице, // плотию родила еси.

КАТАВАСИЯ:

Хор: Христос раждается – славите, / Христос с Небес – срящите. / Христос на земли – возноситеся. / Пойте Господеви, вся земля, / и веселием воспойте, людие, / яко прославися.

ПЕСНЬ 3:

КАНОН ВОСКРЕСНЫЙ, ГЛАС 7:

Ирмос: В начале Небес / всеильным Словом Твоим утвердей Господи Спасе, / и Вседетельным и Божиим Духом, / всю силу их, / на недвижимем мя камени // исповедания Твоего утверди.

Припев: **Сла́ва, Го́споди, свято́му Воскресе́нию Твоему́.**

Тропарь: **Ты** возше́д на дре́во,/ о нас боле́знуеши во́лею, благоутро́бне Спа́се,/ и терпи́ши я́зву, примире́ния ходата́йственну, и спасе́ния ве́рным:// е́уже Твоему́, Ми́лостиве, вси примири́хомся Родите́лю.

Припев: **Сла́ва, Го́споди, свято́му Воскресе́нию Твоему́.**

Тропарь: **Ты** мя очи́стив от я́звы,/ душо́ю уязвленнаго зми́евым угрызе́нием, Христэ́,/ и показа́л еси́ свет, во тьме дре́вле мне слежа́щу и во тлени́и:// кресто́м бо во ад соше́д, мене́ совоскреси́л еси́.

Припев: **Пресвята́я Богоро́дице, спаси́ нас.**

Богородичен: Неискусому́жныя Твоея́ Ма́тере мольба́ми/ мир ми́рови пода́ждь, Спа́се,// и несказанныя Твоея́ сла́вы славосло́влящия Тя сподо́би.

КАНО́Н БОГОРО́ДИЦЫ ВОСКРЕ́СНЫЙ, ГЛАС 7:

Припев: **Пресвята́я Богоро́дице, спаси́ нас.**

Тропарь: **З**мий поползый из Еде́ма,/ мене́ обоже́ния желани́ем прельсти́в, ве́рже в зе́млю:/ но И́же ми́лостив, и естество́м благоутро́бен, уще́дрив богосоде́ла,// во чре́во Твое́ вселься, и подо́бен мне быв, Ма́ти Де́во.

Припев: **Пресвята́я Богоро́дице, спаси́ нас.**

Тропарь: **Б**лагослове́н плод Твоего́ чре́ва, Де́во Богоро́дице, всех ра́досте,/ ра́дость бо все́му ми́ру родила́ еси́, и весе́лие вои́стинну// разгоня́ющее печа́ль грехо́вную, Богоневе́сто.

КАНО́Н ВВЕДЕ́НИЯ БОГОРО́ДИЦЫ ВО ХРАМ, ГЛАС 1:

Припев: **Пресвята́я Богоро́дице, спаси́ нас.**

Тропарь: **Т**оржеству́им, празднолю́бцы, и сра́дуемся ду́хом/ во святе́м пра́зднице, учрежда́ющесея днесь, Дще́ре Царе́вы// и Ма́тере Бо́га на́шего.

Припев: **Пресвята́я Богоро́дице, спаси́ нас.**

Тропарь: **И**оакíme, ра́дуйся днесь,/ и весели́ся, А́нно, ду́хом,/ ро́жденную из вас Го́споду приводя́ще триле́тствующу,// я́ко Ю́ницу Чи́сту Всенепоро́чную.

Припев: **Пресвята́я Трѳи́це, Бо́же наш, сла́ва Тебе́.**

Трѳичен: **С**вет Оте́ц, Свет Сын Его́, Свет Ду́х Уте́шительный:/ я́ко от Со́лнца бо Еди́наго Трѳи́цы, сия́юще,// Боже́ственно озаря́ет и соблюда́ет ду́ши на́ша.

Припев: **Пресвята́я Богоро́дице, спаси́ нас.**

Богородичен: Тя пророцы проповѣдаша кивѣт, Чѣстая, свѣтыни,/ кадѣльницу златую,
и свѣщник, и трапѣзу, // и мы, яко Боговместѣмую скѣнию, воспевѣем Тя.

КАНОН СВЯЩЕННОМУЧЕНИКА КЛИМЕНТА, ГЛАС 8:

Припев: Священномучениче Клименте, моли Бога о нас.

Тропарь: Богѣтно излияся Духа благодѣть в твоѣ устнѣ, мудре,/ ёуже вся просветѣл еси Божѣственными твоими учѣнии // и Христу привѣл еси.

Припев: Священномучениче Клименте, моли Бога о нас.

Тропарь: Огнемъ воздержѣния ты попалѣл еси страстѣй огнепѣльная стремлѣния/
и храм себѣ совершивъ // Духа Божѣственного, доблемудренне ѣтче.

Слѣва Отцу, и Сыну, и Святому Духу.

Тропарь: На гору Божѣственныхъ добродѣтелей возшѣд / и мракомъ покрѣвса разумнымъ, // узрѣл еси неизречѣнную в чѣстей души твоѣй духовную зарю.

И ныне и присно и во веки вековъ, амѣнь.

Богородичен: Неизречѣнно зачалѣ еси, Пречѣстая, Спасѣа и Господа, / избѣвльшаго нас от лютыхъ, // Тя во истине призывѣющихъ.

КАТАВАСИЯ:

Хор: Прѣжде векъ от Отца рождѣнному нетлѣнно Сыну / и в послѣдняя от Дѣвы / воплощѣнному безсѣменно, / Христу Богу возопѣим: / вознесѣй рогъ нашъ, // свят еси, Господи.

ЕКТЕНИЯ МАЛАЯ...

КОНДАК ВВЕДѢНІЯ БОГОРОДИЦЫ ВО ХРАМ, ГЛАС 4:

Пречѣстый храмъ Спасовъ, / многоцѣнный чертогъ и Дѣва, / свящѣнное сокровище славы Божѣя, / днесъ ввѣдѣтся в домъ Господень, благодѣть совводѣщи, / Яже в Дусѣ Божѣственномъ, / Юже воспевѣютъ Ангѣли Божѣи: // Сѣя есть селѣние Небѣсное.

ИКОС:

Неизречѣнныхъ Божѣиихъ и Божѣственныхъ таинъ / зря в Дѣве благодѣть являемую и исполняемую явственнѣ, / радуясь и ѣобразъ разумѣти недоумѣюся, страннѣй и неизречѣнный: / како избрѣнная, Чѣстая, Едина явѣся пѣче всея твѣри вѣдимыя и разумѣвѣемыя? / Тѣмже восхвалѣти хотѣя Сѣю, ужасѣюся зело умомъ же и словомъ, / ѣбѣче дерзѣя, проповѣдаю и величѣю: // Сѣя есть селѣние Небѣсное.

КОНДАК СЯЩЕННОМУЧЕНИКА КЛІМЕНТА, ГЛАС 2:

Божественного винограда священноодеянна/ всем лоза явіся,/ каплющи сла́дость премудрости,/ моли́твами тво́ими, всечестне,/ да тебе исткáну, я́ко багрянíцу,/ песнь мýсленную принесём,/ Кліменте свя́те, // спаси́ рабы́ тво́я.

СЕДАЛЕН СЯЩЕННОМУЧЕНИКА КЛІМЕНТА, ГЛАС 4:

Возсия́в, якоже со́лнца заря́,/ и, блиста́еши, преподо́бне, всему́ міру све́тло учéнии тво́ими, // Богогла́се Кліменте светоно́сне, мучеников похвало́.

Сла́ва Отцу́ и Сы́ну и Свято́му Ду́ху и ны́не и прісно и во ве́ки веко́в. Ами́нь.

СЕДАЛЕН ВВЕДÉНИЯ БОГОРО́ДИЦЫ ВО ХРАМ, ГЛАС 4:

Непорочная А́гница и нескве́рный черто́г,/ в дом Бо́жий Богоро́дица Мариáм с веселием вво́дится пресла́вно,/ Ю́же А́нгели Бо́жии дорино́сят ве́рно,/ и вси ве́рнии блажа́т прісно/ и благодарственно пою́т Ей непреста́нно ве́лиим гла́сом: // на́ша сла́ва и спасéние Ты еси́, Всенепорочная.

ПЕСНЬ 4:

КАНО́Н ВОСКРЕ́СНЫЙ, ГЛАС 7:

Ирмо́с: Отча не́дра не оста́вль,/ и соше́д на зе́млю, Христе́ Бо́же,/ та́йну услы́шах смотре́ния Твоего́, // и просла́вих Тя, Еди́не Человеколю́бче.

Припев: Сла́ва, Го́споди, свято́му Воскресéнию Твоему́.

Тропа́рь: Сво́я плещи́ дав, и́же от Де́вы вопло́щся, на ра́ны, рабу́ прегреші́вшу,/ би́ен быва́ет Влады́ка непові́нен, // разреша́я мо́я согрешéния.

Припев: Сла́ва, Го́споди, свято́му Воскресéнию Твоему́.

Тропа́рь: Предсто́яв суди́щу суди́й законопресту́пных,/ я́ко осуди́мый пові́нен быва́ет, и зауша́ется брэнною руко́ю, // созда́вый челове́ка я́ко Бог, и судя́й пра́ведно землі́.

Припев: Пресвята́я Богоро́дице, спаси́ нас.

Богоро́дичен: Я́ко воістинну Ма́ти Бо́жия, Творца́ Твоего́ и Сы́на моли́, // к спа́сительному напра́вити мя приста́нищу, Всенепорочная, сла́внаго Его́ хо́тэния.

КАНО́Н БОГОРО́ДИЦЫ ВОСКРЕ́СНЫЙ, ГЛАС 7:

Припев: Пресвята́я Богоро́дице, спаси́ нас.

Тропа́рь: Избра́нная вся и до́брая,/ я́вльши́ся Бо́гу пре́жде созда́ния све́тлостию, Всепе́тая, // светолі́тием Тво́им пою́щия Тя просвети́.

Припев: Пресвятáя Богорóдице, спаси́ нас.

Тропа́рь: Бо́га челове́ком родила́ еси́, Чистая,/ воплоще́нна от чистых крове́й Твои́х,/ избавля́юща согреше́ний мно́гих,// любви́ю сла́влящия и почи́тающия Тя, Ма́ти Де́во.

КАНО́Н ВВЕДЕ́НИЯ БОГОРО́ДИЦЫ ВО ХРАМ, ГЛАС 1:

Припев: Пресвятáя Богорóдице, спаси́ нас.

Тропа́рь: Проро́че Иса́ие, прорцы́ нам,/ Де́ва кто есть, иму́щая во чре́ве?/ Я́же из Иу́дина ко́рене прозя́бши/ и ро́ждшися из Дави́да царя́,// се́мене свята́го плод благосла́вный.

Припев: Пресвятáя Богорóдице, спаси́ нас.

Тропа́рь: Начаи́айте, де́вы, и воспойте пёсны,/ рука́ми держа́ще свещи́, Чисты́я Богорóдицы предше́ствие хва́ляще,// ны́не гряду́щия во храм Бо́жий, кúпно с на́ми пра́зднующи.

Припев: Пресвятáя Трóице, Бо́же наш, сла́ва Тебе́.

Трóичен: Трóицу Ли́цы, Еди́ницу о́бразом,/ благоче́стно сла́вим Бо́га И́стинна,/ Егóже пою́т А́нгельская и Арха́нгельская чинонача́лия я́ко тва́ри Влады́ку,// и челове́цы ве́рно, покланя́ющесея при́сно.

Припев: Пресвятáя Богорóдице, спаси́ нас.

Богорóдичен: Моли́ непреста́нно, Пресвятáя Чистая,/ Егóже плóтию родила́ еси́, Сы́на Твоего́ и Бо́га,// от многоо́бразных се́тей диа́волих и от вся́ких искуше́ний находя́щих вся изба́вити рабы́ Твоя́.

КАНО́Н СВЯЩЕННОМУ́ЧЕНИКА КЛИ́МЕНТА, ГЛАС 8:

Припев: Священному́чениче Кли́менте, моли́ Бо́га о нас.

Тропа́рь: От за́пада прише́д, блаже́нне, к восто́ку,/ Петру́ примеси́лся еси́ апо́столу:/ и того́ Божéственными светлосты́ми и учéнии просвещáемь,/ с ним возвещáя спаси́тельное Сло́во,// за́падную всю протéкл еси́ страну́.

Припев: Священному́чениче Кли́менте, моли́ Бо́га о нас.

Тропа́рь: Други́й Моисе́й, Кли́менте му́дре, был еси́,/ зако́ны Божéственныя все́м излага́я/ и священна́я пи́ща учéния, и церкóвное все вчиня́еши исполне́ние.// Отсю́ду законополо́жника ты и учи́теля вси иму́ще, ве́рою чтим.

Сла́ва Отцу́, и Сы́ну, и Свято́му Ду́ху.

Тропа́рь: По́стническими по́ты очисти́всья,/ священнонача́льник, блаже́нне,

явѣлся еси,/ к благочестивей вере Христовей вся возводя Божественными твоими сказаними,/ пострадав же законно,// подобне болезни сплетѣ венѣц, приснопамятне.

И ныне и присно и во веки веков, аминь.

Богородичен: **С** Богом Тя заступницу стяжахом,/ Ты бо Мати Божия была еси Творца и Содетеля,/ наш образ приемша, Пренепорочная,// и Того спасша от тли и смерти и славою Божественною прославльшаго.

КАТАВА́СИЯ:

Хор: **Жезл** из корене Иессеева/ и цвет от него, Христѣ,/ от Девы прозябл еси,/ из горы, Хвальный, приосененныя чащи,/ пришѣл еси, воплощся от Неискусомужныя,/ Невещественный и Боже:// слава силе Твоей, Господи.

ПЕСНЬ 5:

КАНО́Н ВОСКРЕ́СНЫЙ, ГЛАС 7:

Ирмос: **Ночь** не светла неверным Христѣ,/ верным же просвещение в сладости словес Твоих./ Сего ради к Тебе утренюю,// и воспеваю Твое Божество.

Припев: **Слава, Господи, святому Воскресению Твоему.**

Тропарь: **За** Твоя рабы продаешися, Христѣ,/ и по ланите ударение терпиши,/ свободе ходатайственно поющим:// к Тебе утренюю, и воспеваю Твое Божество.

Припев: **Слава, Господи, святому Воскресению Твоему.**

Тропарь: **Божественною** Твоею силою, Христѣ,/ немощию плотскою крепкаго низложил еси,// и победителя мя смерти, Спасе, воскресением показал еси.

Припев: **Пресвятая Богородице, спаси нас.**

Богородичен: **Бога** родила еси Мати чистая,/ воплощеннаго из Тебе боголепно, всепетая:/ понеже не познала еси мужеска пола,// но от Святаго раждаеши Духа.

КАНО́Н БОГОРО́ДИЦЫ ВОСКРЕ́СНЫЙ, ГЛАС 7:

Припев: **Пресвятая Богородице, спаси нас.**

Тропарь: **Лествицу** узрев Иаков, к высоте утверждѣну,/ образу научися, неискусобрачная Тебе:// Тобою бо Бог человеком приобщися, Всечистая Владычице.

Припев: **Пресвятая Богородице, спаси нас.**

Тропарь: **Избавление** вечное Тобою, Дево, ныне обретше/ усердно зовем Ти: еже

ра́дуйся, Богоневѣстная:// и Твоѣм свѣтом возра́довавшея, Всепѣтая,
пѣсньми Тя поѣм.

КАНО́Н ВВЕДѢНІЯ БОГОРО́ДИЦЫ ВО ХРАМ, ГЛАС 1:

Припев: Пресвятáя Богорóдице, спаси́ нас.

Тропарь: Да светлонóсим, правослáвнии вси, стекáющея и слáвляще Бого-
мáтерь,/ я́ко Гóсподу днесь привóдится// я́ко жéртва благопріятна.

Припев: Пресвятáя Богорóдице, спаси́ нас.

Тропарь: Да веселя́тся праóтцы днесь, Влады́чице,/ и да ра́дуется рóждшая Тя со
отцѣм Твоѣм,// я́ко плод их Гóсподу принóсится.

Припев: Пресвятáя Трóице, Бóже наш, сла́ва Тебѣ.

Трѣичен: Пребезначáльное и Присносúщенное Ед́ино Божество́ славослóвляще, по-
клонімся,/ Трѣми Л́ицы естество́м нераздѣльное// и сла́вою равно-
чѣстное.

Припев: Пресвятáя Богорóдице, спаси́ нас.

Богорóдичен: Приста́нище благоут́ишное и необор́имую стѣну стяжа́хом,/ моли́тву
Твою́ во обстоя́ниих, Богороді́тельнице,// всегда́ избавля́еми бед и скорбѣй.

КАНО́Н СВЯЩЕННОМÚЧЕНИКА КЛ́ИМЕНТА, ГЛАС 8:

Припев: Священномúчениче Клі́менте, моли́ Бóга о нас.

Тропарь: Во свѣте за́поведей ходя́ Господ́них,// ча́до воистинну яв́ился еси́ Того́,
блаже́нне, нелóжное.

Припев: Священномúчениче Клі́менте, моли́ Бóга о нас.

Тропарь: Всегó на землі ты отрѣ́клся еси́ пристра́стия, священноначáльниче,//
да б́удущее благослáвие получи́ши и свѣтлости сла́вы Христóвы.

Сла́ва Отцú, и С́ыну, и Святóму Дúху.

Тропа́рь: Мúченическими укра́шен светлостью́мь,/ со А́нгелы ны́не предсто́иши
Влады́це,// о по́ющих моли́ся.

И ны́не и пр́исно и во ве́ки веко́в, ами́нь.

Богорóдичен: Ма́ти Бóжия,/ ве́рою Тя по́ющая от бед изба́ви моли́твами Твоѣми,
Де́во,// я́ко Ты предста́тельница вѣмы, Ч́истая.

КАТАВА́СИЯ:

Хор: Бог сый ми́ра, Оте́ц щедрóт,/ Вели́каго Совѣта Твоегó А́нгела,/ мир
подава́ющая, послáл еси́ нам:/ тем, Богоразúмия к свѣту наста́вльшеся,/
от но́щи у́треннююще,// славослóвим Тя, Человеколю́бче.

ПЕСНЬ 6:

КАНО́Н ВОСКРЕ́СНЫЙ, ГЛАС 7:

Ирмос: Пла́вающего в молвѣ/ житѣйских попечѣний,/ с кораблѣм потопляема грехѣи,/ и душетлѣнному звѣрю приметѣема,/ яко Ибна, Христѣ, вопию Ти:// из смертоно́сныя глубины́ возведи́ мя.

Припев: Сла́ва, Го́споди, свято́му Воскресѣнию Твоему́.

Тропарь: Воспомина́ху Тя заключѣнныя во а́де ду́ши, и оста́вльшияся пра́ведных,/ и от Тебѣ спасѣния моля́хуся:/ е́же крестомъ, Христѣ, по́дал еси́ преиспо́дним,// прише́д яко благоутро́бен.

Припев: Сла́ва, Го́споди, свято́му Воскресѣнию Твоему́.

Тропарь: Ко одушевлѣнному Твоему́ и нерукотворѣнному хра́му,/ разруше́ну бѣвшу страда́ньми,/ воззрѣти па́ки лик апо́стольский отча́яся:/ но па́че наде́жды поклонѣся,// воскрѣсша повсю́ду проповѣда.

Припев: Пресвята́я Богоро́дице, спаси́ нас.

Богородичен: Неизрече́ннаго рожде́ства Твоего́ всенепоро́чнаго о́браз,/ Де́во богоневѣ́стная, и́же нас ра́ди,/ кто от челове́к сказа́ти возмо́жет?/ Яко Бог неопи́санне, Сло́во соединѣ́вся Тебѣ,// плоть из Тебѣ бысть.

КАНО́Н БОГОРО́ДИЦЫ ВОСКРЕ́СНЫЙ, ГЛАС 7:

Припев: Пресвята́я Богоро́дице, спаси́ нас.

Тропарь: Зако́ннии Тя о́бразы, и проро́ческая прорече́ния я́ве предвозвеща́ху,/ хотя́щую роди́ти благоде́теля, Чи́стая, всея́ тва́ри,/ многоча́стне и многоо́бразне благоде́йствовавшаго// ве́рно воспева́ющих Тя.

Припев: Пресвята́я Богоро́дице, спаси́ нас.

Тропарь: Устра́ншагося дре́вле наве́том человекоуби́йцы, Ада́ма первозда́ннаго/ ра́йския божѣственныя сла́дости,/ Неискусобра́чная, па́ки возвелá еси́,// ро́ждши и́же от преступле́ния нас изба́вившаго.

КАНО́Н ВВЕДЕ́НИЯ БОГОРО́ДИЦЫ ВО ХРАМ, ГЛАС 1:

Припев: Пресвята́я Богоро́дице, спаси́ нас.

Тропарь: Пра́зднуим, ве́рнии, пра́здник духо́вный Ма́тере Бо́жия,/ воспева́юще благоче́стно:// есть бо святѣ́йша Небе́сных умо́в.

Припев: Пресвята́я Богоро́дице, спаси́ нас.

Тропарь: Пѣ́сньми духо́вными восхва́лим, ве́рнии, Ма́терь Све́та,/ яко днесь нам яви́ся,// предходя́щи в храм Бо́жий.

Припев: Пресвятая Троице, Боже наш, слава Тебе.

Троичен: Отец, и Сын, и Дух правый,/ Триипостасная Единице и Неразделимая Троице, // помилуй поклоняющихся Божественной Державе Твоей.

Припев: Пресвятая Богородице, спаси нас.

Богородичен: Во чреве Твоем вмещен Невместимый всеми, Богомати, быв,/ из Тебе произыде, Пречистая, // сугуб естеством Бог и Человек.

КАНОН СВЯЩЕННОМУЧЕНИКА КЛИМЕНТА, ГЛАС 8:

Припев: Священномучениче Клименте, моли Бога о нас.

Тропарь: Ревностию разжжен Господни любви, мудре,/ идольскую лесь обличил еси крепко словесными противлению // и чудесными явлении, всехвальне.

Припев: Священномучениче Клименте, моли Бога о нас.

Тропарь: Недреманно соблюл еси око сердца твоего,/ за злобу никакоже воздремав, славне, // Божественными восхождению вчиняя добродетелей к верховному.

Слава Отцу, и Сыну, и Святому Духу.

Тропарь: Яко иерарх чистен,/ вязати и решити прегрешения власть прием от Спаса Христа, // многих моих прегрешений долг разреши, возводя к покаянию.

И ныне и присно и во веки веков, аминь.

Богородичен: Твоими мольбами, Чистая,/ бед и напастей исхити мя лютых и избави мя, молюся,/ ты бо стена еси неразрушима,/ и пристанище и покров, // и неоторимое утверждение.

КАТАВАСИЯ:

Хор: Из утробы Иону младенца изблева морской зверь,/ якова прият,/ в Деву же всельшееся Слово/ и плоть приемшее пройде сохраншее негленну./ Егоже бо не пострада истления, // Родшую сохрани невреденну.

ЕКТЕНИЯ МАЛАЯ...

КОНДАК ВОСКРЕСНЫЙ, ГЛАС 7:

Не кому держава смертная/ возможет держати человеки:/ Христос бо сниде, сокрушая и разоряя силы ея./ Связуем бываает ад,/ пророцы сог-

ласно радуются:/ предста, глаголюще, Спас сущим в вере,// изыдите, вернии, в воскресение.

ИКОС:

Вострепеташа доле преисподняя днесь,/ ад и смерть Единого от Троицы:/ земля поколебася, вратницы же адовы видевшие Тя, ужасошася:/ вся же тварь со пророки радующися поет Тебе победную песнь,/ избавителю Богу нашему,/ разрушившему ныне смертную силу./ Да воскликнем и возопийм ко Адаму, и к сущим из Адама:/ древо сего паки введе.// Изыдите, вернии, в воскресение.

ПЕСНЬ 7:

КАНОН ВОСКРЕСНЫЙ, ГЛАС 7:

Ирмос: Пещь отроцы огнепальну/ древле росоточашу показаша,/ Единого Бога воспевающе и глаголюще:/ превозносимый отцев Бог// и препрославлен.

Припев: Слава, Господи, святому Воскресению Твоему.

Тропарь: Древом умерщвляется Адам, волею преслушание соделав:/ послушанием же Христовым паки обновляемь есть.// Мене бо ради распинается Сын Божий, препрославленный.

Припев: Слава, Господи, святому Воскресению Твоему.

Тропарь: Тебе воскресшаго, Христэ, из гроба, тварь вся воспэ:/ Ты бо жизнь сущим во аде процвел еси,/ мертвым воскресение,// иже во тьме, свет препрославленный.

Припев: Пресвятая Богородице, спаси нас.

Богородичен: Радуйся, Дщи Адама тленного./ Радуйся, едина Богоневесто./ Радуйся, еюже тля изгнана бысть, яже Бога рождши:// Егоже моли, Чистая, спаси нас всем нам.

КАНОН БОГОРОДИЦЫ ВОСКРЕСНЫЙ, ГЛАС 7:

Припев: Пресвятая Богородице, спаси нас.

Тропарь: Преиспещрену, позлащену утварь Тя имущу/ возлюбил Создатель Твой, Дево, и Господь:// превозносимый отцев Бог и препрославлен.

Припев: Пресвятая Богородице, спаси нас.

Тропарь: Очищается, Отроковице, уголь древле Исаия прием:/ знаменательне Твое рождество видево,// превозносимаго отцев Бога, и препрославлена.

КАНО́Н ВВЕДѢНІЯ БОГОРО́ДИЦЫ ВО ХРАМ, ГЛАС 1:

Припев: **Пресвятáя Богорóдице, спаси́ нас.**

Тропарь: **Ликовству́им, празднолю́бцы, днесь,/ воспой́м Чістую Влады́чицу,//**
Иоакі́ма и А́нну досто́йно чту́ще.

Припев: **Пресвятáя Богорóдице, спаси́ нас.**

Тропарь: **Проро́честву́й, Даві́де, глаго́ля Ду́хом:/ приве́дуться дэ́вы вслед Тебе́,//**
приве́дуться Тебе́ во храм Царі́це Ма́тери.

Припев: **Пресвятáя Трóице, Бо́же наш, сла́ва Тебе́.**

Трóичен: **Просла́вим Трóицу Нераздéльную,/ воспой́м Еди́но Божество́// со От-**
це́м Сло́во и Ду́ха Всесвята́го.

Припев: **Пресвятáя Богорóдице, спаси́ нас.**

Богорóдичен: **Моли́, Егóже родила́ еси́, Гóспода,/ я́ко благоутрóбна естество́м су́ща,**
Богорóдительнице́,// спаси́ ду́ши воспева́ющих Тя.

КАНО́Н СВЯЩЕННОМУ́ЧЕНИКА КЛІМЕНТА, ГЛАС 8:

Припев: **Священному́чениче Клі́менте, моли́ Бо́га о нас.**

Тропарь: **Я́коже утро, возсия́л еси́,/ просвещáя земли́ вся концы́/ и ночь пре-**
лестную́ отгоня́, Богогла́се, йдо́льскаго безбо́жия,// благословéн еси́, во-
пия́, Бо́же оте́ц на́ших.

Припев: **Священному́чениче Клі́менте, моли́ Бо́га о нас.**

Тропарь: **Вся спасти́ хотя́ Бог тво́ими моли́твами,/ прозрэ́ние дарова́ Сисі́нию,/ и**
душі́, и телеси́ очеса́ отве́рз, о́тче,// отту́ду просвещáется Божéственною
ба́нею.

Сла́ва Отцу́, и Сы́ну, и Свято́му Ду́ху.

Тропа́рь: **Струи́ исцелéний то́чиши от Божéственныхя́ твоея́ ра́ки, Клі́менте**
сла́вне,/ страсте́й мно́гих избавля́еши всегда́ притека́ющия к тебе́ и
пою́щия:// благословéн Бог оте́ц на́ших.

И ны́не и прі́сно и во ве́ки веко́в, ами́нь.

Богорóдичен: **Подоба́ше без се́мене воплоща́емому из Тебе́ проити́, Дéво Пречі́стая,/**
Ты бо возрасла́ еси́ всех, Чі́стая, пребóльши./ Тёмже Ти непреста́нно зо-
вём:// благословéн Плод чрэ́ва Твоего́.

КАТАВА́СИЯ:

Хор: **О́троцы, благоче́стию совоспита́ни,/ злочесті́ваго велéния неб-**
ре́гше,/ о́гненнаго пре́щения не убо́йшася,/ но, посреде́ пла́мени
стоя́ще, по́яху:// отце́в Бо́же, благословéн еси́.

ПЕСНЬ 8:

КАНО́Н ВОСКРЕ́СНЫЙ, ГЛАС 7:

Ирмос: Неопáльная огню́ в Сина́и прича́щаяся/ Купи́на, Бо́га яви́ медленозы́чному и гугни́вому Моисе́ови,/ и о́троки ре́вность Бо́жия/ три непребори́мая во огни́ певцы́ показá:/ вся дела́ Господ́ня Го́спода по́йте,// и превозно́сите во вся ве́ки.

Припев: Сла́ва, Го́споди, свято́му Воскресе́нию Твоему́.

Тропа́рь: Пречи́стый А́гнец словесный за мир заклáн быв,/ преста́ви я́же по за́кону приноси́мая,/ очи́стив сегó кроме́ прегрешений́ я́ко Бог, при́сно зову́ща:// вся дела́ Господ́ня, Го́спода по́йте, и превозно́сите во вся ве́ки.

Припев: Сла́ва, Го́споди, свято́му Воскресе́нию Твоему́.

Тропа́рь: Нетле́нна не су́щи прэ́жде стра́сти,/ восприя́тая от Созда́теля плоть на́ша,/ по стра́сти и воскресе́нии неприкоснове́нна тле́нию устро́бися,/ и сме́ртныя обновля́ет, зову́щия:/ вся дела́ Господ́ня Го́спода по́йте,// и превозно́сите во вся ве́ки.

Припев: Пресвята́я Богоро́дице, спаси́ нас.

Богородичен: Твое́ чистотное и всенепоро́чное, Де́во,/ скве́рное и ме́рзское вселе́нныя очи́сти,/ и была́ еси́ на́шего примире́ния к Бо́гу вина́, Пречи́стая:/ те́мже Тя, Де́во, вся дела́ благослови́м,// и превозно́сим во вся ве́ки.

КАНО́Н БОГОРО́ДИЦЫ ВОСКРЕ́СНЫЙ, ГЛАС 7:

Припев: Пресвята́я Богоро́дице, спаси́ нас.

Тропа́рь: Све́том рождества́ Твоего́,/ странноле́пно вселе́нную просвети́ла еси́, Богороди́тельнице,/ су́ща бо вои́стинну Бо́га на объ́ятиях но́сиши Твои́х,/ просвеща́юща ве́рныя при́сно зову́щия:/ вся дела́ Господ́ня Го́спода по́йте,// и превозно́сите во вся ве́ки.

Припев: Пресвята́я Богоро́дице, спаси́ нас.

Тропа́рь: Поём, Чи́стая, благоче́стно Твое́ чре́во,/ Бо́га вместившее́ несказáнно воплоща́ема,/ да́вшего всем ве́рным богоразу́мия просвеще́ние, при́сно зову́щим:/ вся дела́ Господ́ня Го́спода по́йте,// и превозно́сите во вся ве́ки.

КАНО́Н ВВЕДЕ́НИЯ БОГОРО́ДИЦЫ ВО ХРАМ, ГЛАС 1:

Припев: Пресвята́я Богоро́дице, спаси́ нас.

Тропа́рь: Весели́тся днесь све́тло Иоакимъ,/ и А́нна непоро́чная Го́споду Бо́гу прино́сит же́ртву,// да́нную ей от обеща́ния Святу́ю Дщерь.

Припев: Пресвята́я Богоро́дице, спаси́ нас.

Тропарь: Хва́ляются святыи Дави́д и Иессей, / и Иу́да чт́ится, / из ко́рене бо их израсте́ плод – Де́ва Чы́стая, // из Нея́же роди́ся Бог Преве́чный.

Припев: Пресвята́я Трѳице, Бо́же наш, сла́ва Тебе́.

Трѳичен: Да пое́тся Трисвяты́й Оте́ц, и Сын, и Дух Святы́й, / Неразде́льная Еди́ница, Еди́но Божество́, // держа́щее длáнию всю тварь во вся ве́ки.

Припев: Пресвята́я Богоро́дице, спаси́ нас.

Богородичен: Безнача́льное начина́ется Сло́во плѳтию, / роди́вся, я́ко благоволи́, / Бог же и Чело́век из Отрокови́цы Де́вы, / возсозида́я ны, пре́жде па́дшия, // ра́ди кра́йняго благоутрѳбия.

КАНО́Н СВЯЩЕННОМУ́ЧЕНИКА КЛИ́МЕНТА, ГЛАС 8:

Припев: Священному́чениче Кли́менте, моли́ Бо́га о нас.

Тропарь: Учени́к быв Петро́в, / Божѳственные нра́вы тогѳ подража́я, Кли́менте страда́льче, // те́мже и престо́ла преѳмник и́стинно показáлся еси́, просвещáя всю тварь.

Припев: Священному́чениче Кли́менте, моли́ Бо́га о нас.

Тропарь: Та́йно очервленѳв тво́я устна́ ча́шею му́дрости, Кли́менте, / изры́гнул еси́ Божѳственных учéний пучи́ну, / потопля́ющую демоностра́шие, // душáм же чело́веческим источáющую спасéние.

Благослови́м Отца́, и Сы́на, и Свята́го Ду́ха, Го́спода.

Тропа́рь: Я́ко пречестну́ю у́тварь, Це́рковь, стяжавши тво́я Божѳственная законоположе́ния, / о тебе́ хва́лится // и вся подвизáет тво́ю па́мьть ве́рою почитáти во вся ве́ки.

И ны́не и прѳсно и во ве́ки веко́в, ами́нь.

Богородичен: Мари́е Де́во Богоро́дице, / Бо́га Спа́са чело́векѳм рѳжда́ющая плѳтию, / спаси́ ве́рою пою́щая Твоѳе Рождество́ / и превозно́сящая во вся ве́ки.

КАТАВА́СИЯ:

Хор: Хва́лим, благослови́м, покланя́емся Го́сподеви, пою́ще и превозно́сяще во вся ве́ки.

Чу́да преестѳвеннаго / росодáтельная изобрази́ пещь ѳбраз: / не бо, я́же при́ят, пали́т ю́ныя, / я́ко ниже́ огнь Божества́ Де́вы, / в Ню́же вни́де утрѳбу. / Тем воспева́юще, воспоѳем: / да благослови́т тварь вся Го́спода // и превозно́сит во вся ве́ки.

Диакон: Богоро́дицу и Ма́терь Све́та в пѳснях возвели́чим.

ПЕСНЬ ПРЕСВЯТОЙ БОГОРОДИЦЫ:

Хор: Величит душá Мойá Гóспода,/ и возрадовася дух Мой о Бóзе Спáсе Моём.
**Честнѣйшую Херувím/ и Слáвнейшую без сравнѣния Серафím,/ без
истлѣния Бóга Слóва рóждшую,/ сýщую Богородицу, Тя величáем.**
Я́ко призрэ на смирение рабý Своея,/ се бо от ныне ублажáт Мя вси рóди.
Честнѣйшую...
Я́ко сотвори Мне величие Сýльный,/ и свято Ёмя Егó, и мýлость Егó в
рóды родóв боящимся Егó.
Честнѣйшую...
Сотвори держáву мýщицею Своёю,/ расточи гóрдая мýслию сёрдца их.
Честнѣйшую...
Низложи сýльныя со престóл, и вознесé смиренныя;/ áлчущия испóлни
благ, и богатящияся отпусти́ тщи.
Честнѣйшую...
Восприят Изра́иля óтрока Своегó, помяну́ти мýлости,/ я́коже глаго́ла
ко отцём нáшим, Авраáму и сѣмени егó, дáже до вѣка.
Честнѣйшую...

ПЕСНЬ 9:

КАНО́Н ВОСКРЕ́СНЫЙ, ГЛАС 7:

Ирмо́с: **Н**етлѣния искуше́нием рóждшая,/ и всехитрецу́ Слóву плоть взаи-
мода́вшая,/ Ма́ти неискусомýжная Дѣво Богородице,/ При́телище
Нестерпи́маго,/ Селó Невместíмаго Зиждíteля Твоегó,// Тя величáем.

Припев: **Слáва, Гóсподи, свято́му Воскресѣ́нию Твоему́.**

Тропа́рь: **И́**же божеству́ страсть прилагáющи,/ заустíteся вси чужде-
мýдреннии:/ Гóспода бо слáвы плóтию распя́та,/ не распя́та же естество́м
боже́ственным,// я́ко во двою́ естеству́ Едíнаго величáем.

Припев: **Слáва, Гóсподи, свято́му Воскресѣ́нию Твоему́.**

Тропа́рь: **И́**же телесём востáнию неvéрующи,/ ко Христóву шѣдше грóбу,
научíteся:/ я́ко умерщвлѣна бысть, и воскресе па́ки плоть Жизнода́вца,//
во уверѣние послѣдняго воскресѣ́ния, на не́же упова́ем.

Припев: **Пресвятáя Трóице, Бóже наш, слáва Тебѣ.**

Трóичен: **Н**е божѣств Трóицу, но Ипостáсей,/ ниже́ едíницу Лиц, но Божества́
чтýще,/ ссеца́ем же Сию́ деля́щих:// слива́ем же па́ки, сли́яние дерзáющих
на Сию́, Ю́же величáем.

КАНОН БОГОРОДИЦЫ ВОСКРЕСНЫЙ, ГЛАС 7:

Припев: Пресвятая Богородице, спаси нас.

Тропарь: Радости нам вечная ходатаица и веселия явилася еси / Приснодево Отроковице, Избавителя рождши, / истиною и Духом божественным Того чтущих, // яко Бога избавляющего.

Припев: Пресвятая Богородице, спаси нас.

Тропарь: Поя Давид, Твой праотец, Пречистая, Тя / ковчег именует Святыни божественная, / преестественно Бога вместившую, / во Отческих Седящего недрех, // Егоже непрестанно вернии величаем.

КАНОН ВВЕДЕНИЯ БОГОРОДИЦЫ ВО ХРАМ, ГЛАС 1:

Припев: Пресвятая Богородице, спаси нас.

Тропарь: Из праведных произыде Иоакима и Анны / обещания плод – Богоотроковица Марья / и, яко кадило приятное, плотию младенствующи, / приводится во святилище святое // яко Святая во святых обитати.

Припев: Пресвятая Богородице, спаси нас.

Тропарь: Младенствующую естеством и паче естества явльшуюся Матерь Божию восхвалим песньми: / в храм бо законный Господу днесь приводится в вою благовония, // праведных яко плод духовный.

Припев: Пресвятая Троице, Боже наш, слава Тебе.

Троицен: Триипостасное естество, и Нераздельную славу, / и в Божестве Едином поемую непрестанно на Небеси и на земли / Троицу Неразлучную прославим, // с Сыном Отцу и Духу поклоняющемся благочестно.

Припев: Пресвятая Богородице, спаси нас.

Богородичен: Под Твое благоутробие прибегающия верно / и поклоняющиеся благочестно Сыну Твоему, Дево Богородительнице, // яко Богу и Господу мира, / молися от тли и бед избавити и всяческих искушений.

КАНОН СЯЩЕННОМУЧЕНИКА КЛИМЕНТА, ГЛАС 8:

Припев: Священномучениче Клименте, моли Бога о нас.

Тропарь: Течение твое совершив многими подвиги / и несомненно соблюди веру Христову, // праведным венцем украсился еси.

Припев: Священномучениче Клименте, моли Бога о нас.

Тропарь: Яко спасл еси отрока древле, / удержана в море летным обхождением,

мучениче Христов, // сице глубины греховныя и мене спаси.

Слава Отцу, и Сыну, и Святому Духу.

Тропарь: Любвию ты чтущия, Клименте страстотерпче, / от напастей, и бед, и скорбей спаси, // моля Зиждителя Христа.

И ныне и присно и во веки веков, аминь.

Богородичен: Радости мое сердце исполни, Дево, / яже радости приемшая исполнение, // греховную печаль потребляющи.

КАТАВАСИЯ:

Хор: Таинство странное вижу и преславное: / Небо – вертеп, Престол Херувимский – Дево, / ясли – местилище, / в нихже возлеже Невместимый – Христос Бог, // Егоже, воспевающе, величаем.

ЕКТЕНИЯ МАЛАЯ...

Диакон: Свят Господь Бог наш.

ЕКСАПОСТИЛАРИЙ ВОСКРЕСНЫЙ ВТОРОЙ:

Камень узревша отвален, мирносицы радовахуся, / видеша бо юношу сидяща во гробе, / и той тем рече: се Христос востал есть, / рцыте с Петром учеником: / на гору приспейте Галилейскую, тамо вам явится, // якоже предрече другом.

Слава Отцу и Сыну и Святому Духу.

СВЕТИЛЕН СВЯЩЕННОУЧЕНИКА КЛИМЕНТА:

Ныне благонарочит явися нам день, / имущи священных приемник, священных апостол, / Петра купно и Климента, / проповедники веры и непобедимыя мученики, // ихже летнюю память верно совершаем вси.

И ныне и присно и во веки веков. Аминь.

СВЕТИЛЕН ВВЕДЕНИЯ БОГОРОДИЦЫ ВО ХРАМ:

Юже древле предвозвести пророческое сословие, / стамну, и жезл, и скрижаль, и несекому гору, / Марию Богоотроковицу верно да восхвалим: // днесь бо вводится во святая святых воспитатися Господу.